

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 K 075899 21 K 3
Bugojno, 06.10.2021. godine

U IME FEDERACIJE BOSNE I HERCEGOVINE

P R E S U D U

Optuženi: HASAN AJKUNIĆ, JMBG: [REDAKTIRANO], sin Rasima i majke Razije, rođ. Idrizović, rođen 17.05.1956. godine u Poriče, Bugojnu, nastanjen [REDAKTIRANO], pismen, završio VSS, pedagoški fakultet, po zanimanju profesor mehaničke tehnologije, zaposlen u općini Bugojno, na mjestu općinskog načelnika, oženjen, otac dvoje djece, vojsku služio, ne vodi se u VE, srednjeg imovnog stanja, Bošnjak, državljanin BiH, neosuđivan, ne vodi se drugi krivični postupak

KRIV JE

Što je:

Kao službena osoba obnašajući dužnost načelnika općine Bugojno, prekoračio granice svojih službenih ovlasti u postupku prijema namještenika i državnih službenika u radni odnos, tako što je u vremenskom periodu od januara mjeseca 2011. do januara mjeseca 2016. godine, postupajući u namjeri da po svom nahodjenju i unaprijed određenim osobama pribavi korist u vidu sticanja radno pravnog statusa u službama općine Bugojno i ujedno da uskrati pravo građanima na slobodno zapošljavanje pod jednakim uvjetima, protivno odredbama člana 40. Statuta općine Bugojno, člana 23. Zakona o namještenicima u organima državne službe u F BiH (Sl. Novine FBiH br. 49/05) i člana 24 i 29 Zakona o državnoj službi u F BiH (Sl. Novine FBiH br. 29/03, 23/04, 39/04, 54/04, 65/05, 08/06, 77/06 i 4/12) vršio prijem u radni odnos bez provođenja procedure javnog oglašavanja i mimo Agencije za državnu službu F BiH, iako mu je bilo poznato da se za prijem u radni odnos namještenika i državnih službenika može vršiti samo kroz postupak javnog oglašavanja pa je na taj način bez zakonom propisane procedure:

1. Rješenjem br. 02-34-00149 od 20.01.2011. godine, zasnovao radni odnos na određeno vrijeme **Adinu Karalić** na radno mjesto viši referent, vozač-kurir i produžavao mu radni odnos rješenjima od 04.01.2012 i od 31.01.2013. godine,
2. Rješenjem br. 02-34-00151 od 20.01.2011. godine zasnovao radni odnos na određeno vrijeme **Vidović Marici** na radno mjesto viši referent za socijalnu i dječiju zaštitu, a zatim produžavao radni odnos rješenjem od 28.12.2011. godine i 01.02.2013. godine, kojim rješenjem je zasnovao radni odnos na neodređeno vrijeme,
3. Rješenjem br. 02-34-00152-11 od 20.01.2011. godine, zasnovao radni odnos na određeno vrijeme **Tajar Elvedinu**, na radno mjesto viši referent- portir, i produžavao mu radni odnos rješenjima od 04.01.2012. godine i 01.02.2013. godine, kojim rješenjem je zasnovao radni odnos na neodređeno vrijeme.

4. Rješenjem br. 02-34-02993 12 od 03.10.2012. godine zasnovao radni odnos na određeno vrijeme **Pejak Perici** na radno mjesto prikupljanje i ažuriranje podataka za poljoprivredno zemljište u službi za privredu i produžavao mu radni odnos rješenjima od 01.02.2013. godine, 13.01.2014. , 02.07.2014. , 24.10.2014. 28.01.2015., 22.07.2015, 30.09.2015. godine i 19.01.2016. godine, iako to radno mjesto nije bilo predviđeno u Pravilniku o unutrašnjoj organizaciji.
5. Rješenjem br. 02-34-00251-13 od 31.01.2013. godine zasnovao radni odnos na određeno vrijeme **Rušpić Almiru** na radno mjesto zaštitara, i produžavao mu radni odnos rješenjima od 13.01.2014. 02.07.2014, 28.01.2015. 22.07.2015. 30.09.2015. i 19.01.2016. godine, iako to radno mjesto nije bilo predviđeno u Pravilniku o unutrašnjoj organizaciji
6. Rješenjem br. 02-34-02671-13 od 09.10.2013. godine, zasnovao radni odnos na određeno vrijeme **Lučić Dariji** na radno mjesto tehnički i administrativni poslovi predsjedavajućeg OV, i produžavao joj radni odnos rješenjima od 13.01.2014. godine, 28.01.2015. godine, 01.07.2015. godine, 22.07.2015. godine, 30.09.2015. godine i 21.01.2016. godine, iako to radno mjesto nije bilo predviđeno u Pravilniku o unutrašnjoj organizaciji
7. Rješenjem br. 02-34-01727-13 od 29.05.2013. godine zasnovao radni odnos na određeno vrijeme **Hozić Samiru** na radno mjesto viši referent za boračko invalidsku zaštitu, bez adekvatne stručne sprema i produžavao mu radni odnos rješenjima od 03.09.2013. godine, 13.01.2014. godine, 01.07.2014. godine, 28.01.2015. godine, 20.07.2015. godine30.09.2015. godine i 19.01.2016. godine,
8. Rješenjem br. 02-34-01729-13 od 29.05.2013. godine, zasnovao radni odnos na određeno vrijeme **Novalić Dženani**, na radno mjesto viši referent za poslove likvidature i fakturisanje i produžavao joj radni odnos rješenjima od 03.09.2013. godine, 13.01.2014. godine, 02.07.2014. godine, 28.01.2015. godine, 20.07.2015. godine, 30.09.2015. godine i 20.01.2016. godine,
9. Rješenjem br. 02-34-02151 14 od 17.06.2014. godine, zasnovao radni odnos na određeno vrijeme **Čurić Selmiru** , na radno mjesto zaštitara, i produžavao mu radni odnos rješenjima od 28.01.2015. godine, 22.07.2015. godine, 30.09.2015. godine i 21.01.2016. godine, iako to radno mjesto nije bilo predviđeno u Pravilniku o unutrašnjoj organizaciji
10. Rješenjem br. 02-34-02446-13 od 05.09.2013. godine zasnovao radni odnos na određeno vrijeme **Jakmirović-Stanišić Ireni**, na radno mjesto viši referent za administrativno-tehničke poslove, i produžavao joj radni odnos rješenjima od 20.01.2014. godine, 02.07.2014. godine i 28.01.2015. godine, 20.07.2015. godine, 30.09.2015. godine i 21.01.2016. godine,
11. Po rješenju o internom premještanju državnog službenika **Azri Karabeg** br. 02-34-00561-14 od 25.02.2014. godine, sa radnog mjesta šefa odsjeka za obnovu i razvoj u službi za stambeno komunalne poslove je postavljena na rukovodeće radno mjesto pomoćnika načelnika u toj službi, bez dostavljanja rješenja i prethodno pribavljenog mišljenja Agencije za državnu službu F BiH i bez objavljenog javnog konkursa, koje rješenje je stavio van snage rješenjem od 12.02.2016. godine, a rješenjem od 19.02.2016. godine je ponovo postavio na mjesto šefa službe.
12. Rješenjem br. 02-34-00645-15 od 03.03.2015. godine, zasnovao radni odnos **Haznadarević Harisu**, kao državnom službeniku, na radno mjesto stručnog savjetnika, u Službi za privredu, društvene djelatnosti i upravu, da nije bio upisan u registar državnih službenika, koje rješenje je posebnim rješenjem od 12.02.2016. godine stavio van snage, a rješenjem od 19.02.2016. godine ponovo ga postavio za namještenika.

13. U periodu od 03.05.2012. do 01.12.2015. godine zaključio 20 ugovora o djelu sa Ždralović Ilijazom za obavljanje poslova za potrebe mjesne zajednice Poriče za pružanje pomoći mještanima u organizaciji proljetne sjetve i stručne pomoći korisnicima poljoprivrednih poticaja na terenu, a sa Abazović Šefikom 21 ugovor o djelu u periodu od 30.11.2011. do 01.12.2015. godine za poslove na provjeri korisnika poticaja u poljoprivrednoj proizvodnji, iako je u okviru nadležnih službi općine Bugojno imao uposlene djelatnike za te poslove, a što je protivno čl. 600 Zakona o obligacionim odnosima (Službeni novine F BiH br. 29/03 i 42/11).

na koji način je tim osobama omogućio da steknu pravo na rad u organima uprave bez provođenja zakonom propisane procedure

Dakle, kao službena osoba prekoračio granice svoje službene ovlasti i drugome pribavio korist i uskratio građanima pravo na slobodno zapošljavanje na području Federacije

Čime je počinio produženo krivično djelo "Zloupotreba položaja ili ovlaštenja" iz člana 383. stav 1. KZ FBiH u sticaju sa krivičnim djelom „Povreda ravnopravnosti u zapošljavanju“ iz čl.279 st. 1 KZ FBiH.

pa mu sud primjenom navedene zakonske odredbe, te uz primjenu odredbi čl. 7, čl. 49. st. 1, čl. 60. st.2. i čl. 62. KZ F BiH, kao i odredbe čl. 300. ZKP-a F BiH izriče

U V J E T N U O S U D U

na način da mu za počinjeno krivično djelo "Zloupotreba položaja ili ovlaštenja" iz člana 383. stav 1. KZ FBiH utvrđuje kaznu zatvora u trajanju od / 10 / deset / mjeseci, a za krivično djelo „Povreda ravnopravnosti u zapošljavanju“ iz čl.279 st. 1 KZ FBiH utvrđuje kaznu zatvora u trajanju od 3 (tri) mjeseca

te mu se shodno odredbi člana 54. stav 2. tačka b) KZ FBiH izriče

JEDINSTVENA KAZNA ZATVORA u trajanju od 12 (dvanaest) mjeseci i istovremeno određuje da se utvrđena kazna neće izvršiti ukoliko u vremenu provjeravanja od 4 (četiri) godine ne počini novo krivično djelo.

Na temelju odredaba člana 202. stav 1 ZKP-a F BiH optuženi se na ime troškova krivičnog postupka i to na ime paušalnog iznosa uplatiti iznos od 300,00 (tristotine) KM.

Daje se kratko obrazloženje presude.
Optuženi upozoren na posljedice uvjetne osude.

Završeno 12,35 sati

Zapisničar
Amina Karagić

Sudija
Sonsirej Radivojević